



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Örigenus Tōn Eis Tas Theias Graphas Exēgētikōn Apanta Ta Ellēnisti Heuriskomena**

Cui idem præfixit Origeniana, Tripartitum opus, quo Origenis narratur vita,  
doctrina excutitur, scripta recensentur

**Origenes**

**Rothomagi, 1668**

Lvdovico XIV. Regi Christianissimo.

**urn:nbn:de:hbz:466:1-25059**



LVDOVICO XIV.

R E G I

CHRISTIANISSIMO.



*Q*UAM adversa, dum vixit,  
fortuna conflictatus est exi-  
mius ille Ecclesiarum Magi-  
ster Origenes, CHRISTIA-  
NISSIME REX, natus olim difficil-  
limis Reipublicæ Christianæ temporibus, tam  
prosperam hodie renascendi sortem habet : ut

ã ij



si recipienda vita, & hominum conspectus  
iterum subeundi sibi optio detur, non aliàs  
quam regnante te, non alibi quam intra  
Imperii tui fines in lucem redire velit. Nam  
cum in Commodi, teterrimi Imperatoris,  
tyrannidem incidissent natales eius, Severi  
deinde nomini Christiano infestissimi sævi-  
tiam expertus est, amisso per Martyrium  
patre, facultatibus attritis, & fisco addictis.  
Tum Demetrii Episcopi in se acuit in-  
vidiam, à quo Synodis collectis Alexandria  
pulsus est & Sacerdotio exauctoratus, con-  
sentiente in eius exitium orbe propemodum  
universo. Continuit postea sese in latebris  
vexante Ecclesiam Maximino, ac Decii  
furoribus demum obiectus gravissimos cru-  
ciatus sustinuit. Præterea Caracalla impie-  
tatem & avaritiam, Elagabali flagitia,  
proiectam & infinitam militum licentiam,  
prostitutas leges, vendibile Imperium, hu-



mana divinaque iura neglecta vulgo, rerum omnium perturbationem: qua fuerunt eiusmodi, ut Origenem vitæ suæ pœnitere debuerit. Quanto nunc ei benignius consulit fortuna, quem luci iterum committit hoc tempore, cum floret patrocínio tuo Christiana res; cum auctoritate tua ac consiliis exarmata languet Hæresis, & ad interitum vergit; cum elati victoriis, & ipsi iam imminentes Germaniæ Christi hostes tuis refutantur armis; cum suus pietati per te honos ita constat, ut quas eius prædicat laudes, quæque ad eam comparandam præcepta dat his Tomis Origenes, nulla, si quid auguror, ad audiendum paratior ætas, nulla ad obsequendum promptior hac nostra futura sit? Ecquænam vero animis ad virtutem arrigendis, vitiorumque elidendis stirpibus commodior queat esse tempestas, quam qua restituitur cura tua maiestas legum, emendantur mo-



res, se veriori disciplina comprimitur insolentia militaris, coercetur immanis mancipum avaritia, redduntur ordini suo singulae Regni partes, quae te impubere vel collapsa fuerant vel labefacta? Porro si iam non per animi sui foetus, scriptiones istas dico, in quibus quodammodo reviviscit Origenes, sed ipse coram tibi nunc appareret, REX MAXIME, non te civilis duntaxat disciplina studiis clarum, sed bellicis etiam & imperatoriis laudibus illustrem suspiceret, dum inclinatis Foederatorum copiis, & afflictis civitatibus, quae ad tuam se applicarunt societatem, opportuna subministras auxilia, hostes terra marique pulsos domas, & invictum illud, ac tot iam bellorum tempestatibus frustra quassatum Belgium, dum ius tuum armis exequeris, primo pene impetu percellis. Cum te vero non Imperatoris modo partes agentem, sed militis etiam expletem vices; non consilii modo



plenum, sed etiam manu fortem, sacrum illud  
tuum & augustum caput, cuius salute Impe-  
rii totius continetur salus, plumbo ferroque  
audiret ultro obiicere, horreret, scio, totus, ac  
contremisceret versari eum in discrimine, cu-  
ius incolumitatem debent omnes periculo suo  
pacisci. Sed nec memorabilem hanc fortitudi-  
nem ac victorias tibi præcipue gratularetur  
Origenes: in præliis quippe res magno comi-  
tatu geruntur, & à consilio ad vim abeunt  
certantium, proptereaque communes tibi  
sunt cum militibus & fortuna: hæc tui sunt  
unius propria, quæ laudaret impensius &  
miraretur; magnanimitas vere regia, iusti-  
tia singularis, spectata fides, expromta libe-  
ralitas, experrectus animi vigor, magna cor-  
poris dignitas, & Imperio digna oris com-  
mendatio: quæ talia sunt, ut te communi  
generis humani suffragio orbi gubernando  
allegendum fuisse agnosceret, si non divini-



tus muneri huic datus esses ac constitutus.  
Non in alterius igitur presidium has eius  
lucubrationes commendare debeam, si sen-  
tentiam ipsius ac studium, quo nunc si vi-  
veret, in te esset affectus, recte interpretor:  
cum praesertim Bibliotheca tua beneficio ab  
interitu prohibitas eas esse meminerim: cuius  
postquam exierunt è sacrario, redire illuc ge-  
stiunt novo cultu conspicienda, qualem sci-  
licet curatura nostra ac diligentia consecuta  
sunt. Quod si laborem opinione maiorem  
in ornandis iis posuisse me profitear, inepte  
forsitan & arroganter operam meam vendi-  
ta vero apud te, vere tamen dixero: non quo  
fecisse me quicquam existimem Maiestate  
tua dignum, cui par nihil habet orbis ter-  
rarum; sed ut hoc quod nobis praestas otio,  
ad desidiam me non abuti scias; & post-  
quam ad literatos accessit tua voluntas,  
temporumque iniquitate prope interclusam



*studiis nostris obsequendi facultatem benignitate tua aperuisti, nos ad nominis tui gloriam, qua dignus es, & ad publicam utilitatem, cui studes, curas nostras omnes conferre intelligas; & facere sedulo, porroque facturos, ut virtutis tuæ ac nostræ voluntatis apud posteros extet memoria, clarissimisque & numquam perituris monumentis consignetur.*

SACRÆ MAIESTATI TVÆ

*Devotissimus*

PETRVS DANIEL HVETIVS.